

詩

經

廣

詁

詩經廣詁 大雅

桐城徐璈輯錄

生民之什

第二十四

生民

八章

褚少孫曰厥初生民深修益成而道后稷之始也

史記三代世表

又史記周本紀姜原爲帝嚳元妃出野見巨人跡忻然踐之居期而生子以爲不祥棄之隘巷林中冰上乃收長養之因名曰棄及爲成人遂好耕農相地之宜稼稽焉民皆法則之

陳壽曰周人上推后稷以配皇天追述王初本之姜嫄

魏志

甄后傳

引詩

厥初生民時維姜嫄

韓詩章句曰姜姓姬字

史記集解或曰謚號也

陳壽曰姜原特立宮廟世世享嘗周禮所謂奏夷則歌中  
呂舞大濩以享先妣者詩人頌之云云言王化之本生民  
之由也

魏志魏后傳

克禋克祀

袁準曰禋者煙氣煙燼也天之體遠不可得就聖人思盡  
其心而不知所由故因煙氣之上以致其誠

正義

王肅曰精意以享曰禋非燔燎之謂也

正義

五經通義曰王者十歲七祭天地后祭高禘亦祭天地也

北堂書鈔九十

以弗無子

御覽以**賦無子**

引鄭記

履帝武敏 時維后稷

韓詩說曰聖人皆無父感天而生

正義

史記三代世表曰詩言契后稷皆無父而生

按鄭氏武述敏揖之箋有

同史記蓋出魯家也

爾雅釋文曰舍人本履帝武**敏**云古者姜嫄履天帝之迹

于**敏**之中而生后稷

按按郊禘之禮天子親往后妃從舍人引詩敏作**敏**當是三家本言

姜嫄從帝祀禘神於**敏**之中而神歆享之也  
禘祀於郊故在**敏**精意禘祀故歆享之也

不圻不副無苗無害

說文曰不塈不不不塈裂也

于寶曰古之婦人嘗有圻剖而產者矣又有因產而遇災

害者故美其無害也

史記楚世家  
集解引詩

徐堅曰禹高逆生閻母背而出后稷順生不圻不副不感

動母體

初學  
記

史記集解不圻不副無災無害

以赫厥靈

王肅曰天以是顯著后稷之神靈

正義

誕寘之寒冰鳥覆翼之

王逸曰言姜嫄以后稷無父而生乘之于冰上有鳥以翼

覆薦溫之

楚詞天問註

曹植曰昔后稷之在寒冰鬪穀之在楚澤咸依鳥馮虎而

無風塵之災

本集

徐堅曰牛羊不敢踐鳥以翼覆慶集其身母知其祥乃收

養之長大佐堯位至司馬

初學記

初學記鳥翼覆之

克岐克疑

說文曰克岐克疑疑小兒哢也

釋文引作小兒有知段玉裁曰疑者心口間有所

也

莪之荏菹

周禮疏菑之戎菽

禾役穉穉

說文曰禾穎穉穉穎禾末也穉禾采之貌

瓜甍嗒嗒

集韻瓜甍甍甍瓜多實貌

說文瓜甍葦葦

讀詩記董道曰崔集注嗒作葦  
王玉樹曰嗒說文大笑貌宜作葦

弗厥豐草

韓詩曰拂厥豐草拂弗也

釋文 瓠按方言云拂拔也廣  
雅並同 拔去草而後嘉種茂也

實方實苞

隹集註實房實苞

讀詩記  
董氏引

實穎實栗

崔靈恩曰栗成意也

詩集註  
正義引

卽有郇家室

許慎曰有郇炎帝之後姜姓所封國周棄外家右扶風郇

縣是也

說文引詩  
釋文郇后發  
所封國在今京兆武功縣

張銑曰郇后稷舊居堯以有功封之於郇使無變改家室

文選晉紀

總論注

白虎通卽有台家室

呂氏春秋注有郇家室

辨土篇  
錢大昕曰

說文宋槧本引  
詩亦無卽字

誕降嘉種維秬維秠

詩經廣詁

大雅  
生民之什

四



薛君章句曰誕信也

文選註 瓊按釋詁誕大也直信也傳于此篇皆訓爲大薛訓信者是誕

與直音義通也又廣雅誕信也亦從韓義

孔叢子魏王問子順曰昔者上天神異后稷而爲之下嘉穀周以遂興往中山之地無故有穀云天雨之反以亡國何也對曰天雖至神未聞下穀與人詩美后稷大教民種嘉穀以利天下故曰誕降嘉種猶書所謂稷降播種農殖嘉穀皆說種之其義一也

孫氏瑞應圖曰舜時后稷播殖天降秬秠故詩曰天降嘉

種維秬維秠

初學記

段玉裁曰一秬二麥者后稷之嘉穀也一秬二麥者后稷之瑞麥也三苗同穗

者成王之嘉禾也

說文曰秬一稔二米天賜后稷之嘉穀也

文選注誕降嘉穀說文同

雜廉雜芑

爾雅注曰雜廉雜芑齊赤梁粟也芑白梁粟也  
釋文

隋志惟齊惟芑

或春或掄

鄭康成曰或春或攪攪曰也周官注董道曰韓詩作或攪

說文或春或百墨子胥靡婦人以爲春會畢  
河曰會與百聲形相近也

釋之與叟

說文曰釋之與淘米聲也

爾雅音義浙之溘溘

按爾雅溘灑也溘之為義與浙相成也

烝之浮浮

說文烝之焯焯

爾雅焯焯蒸也烝作蒸

取蕭祭脂

鄭興曰蕭香蒿也

周禮注引詩

取羝以較

杜子春日詩家說將出祖道爲較之祭較讀爲別異之別

謂祖道轅較磔犬也

周官注賈公彥曰山行曰較水行曰涉

許慎曰出將有事于道必先告其神立壇四通樹茅以依

神爲較既祭較轅于牲而行爲範較

說文引詩

孔穎達曰較祭之牲天子以犬諸侯以羊卿大夫以酒脯

詩云云謂諸侯也

禮記疏

其香始升

釋文其馨始升

后稷肇祀庶無罪悔以迄于今

表記子曰后祭之祀易富也其辭恭其欲儉其祿及子孫

詩云后稷兆祀庶無罪悔以迄于今 鄭康成注兆四郊

之祭處也迄至也言祀后稷于郊以配天庶以其無罪悔

乎禍祿傳世乃至于今

瓊按此與箋說亦小異當仍韓魯之義也

志林曰言自后稷以來皆得祭天猶魯人郊祀也

吳志注引詩

行葦 入章

列女傳晉弓工之妻曰昔者公劉之行羊牛踐葭葦惻然

爲民痛之恩及草木

按自劉氏以後若班王寇趙彭曹六家皆以此詩爲咏公劉之事是詩誦

之錯見于魯韓者義有同指也

班彪曰慕公劉之遺德及行葦之不傷

文選北征賦

王符曰公劉厚德恩及草木牛羊六畜且猶感德

潛夫論德化篇

又曰公劉仁德廣被行葦

邊議篇 臧鏞堂曰漢人相傳舊說皆以行葦爲公劉之詩

寇榮曰公劉敦行葦世稱其仁

後漢書木傳

趙長君曰公劉慈仁行不履生草運車以避葭葦

吳越春秋 按

趙爲韓家之學

彭萊曰體公劉之德行勿剪之惠

蜀志本傳

曹植曰忠厚仁及草木則行葦之詩作

魏志本傳

杜景儉曰周文德及行葦

舊唐書本傳

賈公彥曰行葦詩美成王愛人及于物也

周禮疏

敦彼行葦牛羊勿踐履

谷永曰王者躬行道德承順天道博愛仁恕恩及行葦

漢書

本傳

李華曰行葦忠厚王化根源周室仁及草木而愷悌流乎

頌聲

文粹七十七

李賢曰言公劉之時仁及草木敦然道傍之葦牧牛羊無

使踐履折傷之况于人乎

後漢書冠榮傳注

白帖膽彼行葦

九十

維葉泥泥

張揖曰維葉芄芄芄草盛也

釋文廣雅芄芄茂也

潛夫論惟葉柅柅

德化篇本或作穉穉

肆筵設席

楚詞章句肆筵設机

嘉穀脾臄

陸德明曰通俗文口上曰臄口下曰脾

釋文嘉穀脾臄

董道曰嘉舊作加

敦弓既堅舍矢既均

廣韻曰：**彈弓**，天子弓也。又作敦。

引詩 嚴虞惲曰：何休云：天子雖弓，諸侯彤弓，大夫

嬰弓，士盧弓，王者與同姓。燕射，故舉天子之弓言之。

列女傳：晉弓工妻曰射之道，左手如拒，右手如附，枝右手發之，左手不知。詩曰：敦弓既堅，舍矢既均。言射有法也。

敦弓既均

說文曰：敦弓，既敦張弓曰**殼**。

釋文

東京賦：彫弓既**殼**。

讀詩記

酒醴維醕

韓詩曰：醴，醕而不涉也。

文選：南都賦注



黃耆台背

李奇曰王者父事三老兄事五更詩云云

漢書禮樂志注

爾雅給背

白帖黃髮給背

釋文九十日給背

既醉

八章

李樛曰先備以

此詩備五福

既醉以酒既飽以德

坊記子云君子不以非廢禮不以美沒禮故君子苟無禮雖美不食焉詩云云以此示民民猶爭利而忘義

台終有俶

許慎曰俶善也一日始也

說文引詩 郝懿行曰爾雅淑善也淑者俶之假音許釋俶爲

善必三  
家舊說

朋友攸攝攝以威儀

左傳衛北宮文子曰言朋友之道必相教訓以威儀也公襄

三十  
一年

鄭康成曰攸所也言朋友以禮義相攝正不以貧富貴賤

之利也禮記引  
詩注

孝子不匱永錫爾類

李賢曰孝子之行無有匱竭長賜汝之族類教化天下後漢

齊濟北惠王傳註 李博曰上之人盡其孝道故天下錫之以善也

禮記曾子曰孝有三小孝用力中孝用勞大孝不匱思慈

愛忘勞可謂用力矣。母仁安義可謂用勞矣。博施備物可謂不匱矣。

祭義

又坊記子云從命不忿，微諫不倦，勞而不怨，可謂孝矣。詩

云云

凌濛初曰：未錫爾類，蓋祝其代生孝子。世世相類耳。所謂賢婦亦生孝子，如唐氏姑之言也。

左傳君子曰：類考，叔純孝也。愛其母，施及莊公。詩云云

隱公

元年

其類維何，室家之壺

晉語叔向曰：類也者，不忝前哲之謂也。壺也者，廣裕民人

之謂也。

錢大昕曰：傳訓壺為廣說，國語則知昔有此訓。蓋家庭之間，父子兄弟夫婦各得其所，寬然有餘，是

之謂壺。

璣技方言：類法也。謂孝子

貽法于後，而其室家亦能法之也。

許慎曰壺宮中道

說文引詩

韋昭曰類族類也言孝子之行先于室家族類以相致乃

及于天下也

國語注

王肅曰其善道施于室家而廣及天下

正義孔廣森曰禮有三本先祖者

類之本也故善讓之類不善讓之不肖

君子萬年永錫祚允

晉語叔向曰萬年也者令聞不忘之謂也祚允也者子孫

蕃育之謂也

釐爾女士

列女傳釐爾女士

塗山篇

鳧鷖 五章

黃帝月言 生民之什

易林鳧鷖遊涇君子以寧復德不愆福祿來成

大有之離 何楷曰

釋祭爾雅夏曰復肸此云復德其卽復肸之義乎

瓌按

詩首言在涇後章沙渚淶臺皆承涇言之涇水源于邠邠

之境而易林于釋祭舉夏氏之名則非大王以後之詩矣

揚子雲以洞酌爲公劉之詩鳧鷖始亦公劉時釋祭之作

與又戴震曰幽地在涇之西南詩譜所謂原隰之

野也涇爲幽地之川公劉國幽故卽所見以入咏也

鳧鷖在涇

陸德明曰蒼頡解詁鷖鷖也一名水鷖

釋文

顏師古曰鳧今之野鴨

漢書引詩注

公尸燕飲

高誘曰尸祭主也尸食飽以知神之食亦飽

淮南子主術訓註引詩

孔廣森曰鳧鷖既醉並言公尸公尸者先公之尸也生民  
美后稷此爲美公劉蓋亦近之  
瓊按如孔說則既醉亦  
爲公劉  
之詩矣

鳧鷖在淶

許慎曰小水入大水曰淶

說文  
引詩

鳧鷖在臺

韓詩曰臺水流進貌

文選與  
都賦注

李賢曰臺者水流夾山間而岸浹若門也金城郡有浩臺

隘

後漢書馬援傳注  
引詩前漢志注同

公尸來止熏熏

說文曰來止

醺醺醉也

釋  
文

假樂 四章

杜鄴曰文王以之交神于祀子孫千億

漢書郊祀志

王充曰美周宣之德也

論衡藝增篇素絲傳爲魯詩

則此亦魯說也大璣按王氏引鄭風

氏漢自元成至章和之世毛序未行魯學爲盛如鹽鐵論列女傳說苑新序潛夫論白虎道義論衛所徵引多山不

家也 阮元曰兩漢毛詩晚出其說甚孤公卿犬儒多從魯說鄭箋有從魯者亦尊時制也

顏師古曰美成王也

漢書注

假樂君子顯顯令德

禮記嘉樂君子憲憲令德

陸德明曰嘉善也憲憲興盛

之貌詩本與此不同者齊魯韓異也

中庸釋文

宜民宜人受祿于天

董仲舒曰爲政而宜于民者固常受祿于天夫仁義禮智  
信五常之道王者所爲修飭也故受天之祐而享鬼神之  
靈德施于方列延及羣生也

漢書本傳

子孫千億

王充曰宣王能順天地祚之子孫衆多至于千億增之也

詩人頌美增益其實

論衡藝增篇

顏師古曰言成王天所保佑子孫衆多也十萬曰億

漢書成帝

紀引詩注

徐堅曰后稷始封至于宣王血脈所達不能千億夫千與

萬數之大名也故尚書言萬國詩言千億

初學記



穆穆皇皇宜君宜王

後漢書註穆穆煌煌

釋文且君且王

段曰趙壹賦且公且侯正用詩句意

不愆不忘率由舊章

董仲舒曰詩云不騫不忘率由舊章舊章者先聖人之故

文章也率由各有修從之也

春秋繁露郊語篇

杜鄴曰舊章先王法度

漢書郊祀志引詩

趙岐曰愆過也所行不過差矣不可忘者以其循用舊故

文章

孟子注

說苑孔子曰可以與人終日而不倦者其惟學乎可以聞

四方而昭于諸侯者其惟學乎詩云不倦不忘率由舊章

夫學之謂也

建本篇

威儀抑抑德音秩秩

劉向日謂禮樂也故君子以禮正外以樂正內

說苑修文篇引詩

率由羣匹

董仲舒曰百物皆有合偶偶之合之仇之匹之善矣詩云

云此之謂也

春秋集傳

不解于位民之攸斲

左傳鄭子產曰不守其位而能久者鮮矣

襄公五年引詩

杜預曰攸所斲息也在上者勤正其位則國安而民息

左傳

成公三年

引詩注

爾雅某氏注民之攸

咽

釋詁咽息也

左傳文公四年公如晉及晉侯盟晉侯饗公公賦嘉樂

又襄公二十六年齊侯鄭伯如晉晉侯兼享之晉侯賦

嘉樂國景子相齊侯賦蓼蕭

公劉

六章

司馬遷曰公劉雖在戎狄之間復修后稷之業務耕稼行地利自漆沮度渭取材用行者有資居者有畜積民賴其慶百姓懷思多徙而往歸焉周道之興自此始故詩人歌

樂思其德

史記周本紀

司馬貞曰大雅公劉篇是也

索隱按兩

司馬之言皆以公劉爲當時之作也  
何祐曰公劉七月  
幽人自咏其事周召舉以告成王非詩作于周召之時也  
篤公劉

釋文王肅云公號劉名也尚書傳云公爵劉名也王基云  
公劉字也

乃裹餼糧

釋文乃裹糗糧

于橐于囊

詩傳曰大曰橐小曰囊

史記陸賈傳集解  
傳殆韓傳也與毛訓正相反

按此引

呂向曰大橐小囊皆盛糧食之器也

文選晉紀  
總論註

思輯用光

孟子思戢用光 尚書傳思集用光

爰方啓行

趙岐曰以武備備四方啓道路

孟子注

陟則在嶽

釋文陟則在嶽

瓊按爾雅小山別大山鮮毛于度其鮮原及此句均用雅訓是嶽當作鮮也然文選

西京賦薛綜注山之上大下小者曰嶽爾雅重嶽陳注云嶽也嶽與嶽音義近薛訓爲優矣

鞞琫容刀

顧野王曰上曰鞞下曰琫劍削也刀室也

玉篇引詩

乃覲于京

王肅曰乃見是京而居之可以避水禦亂

正義

其軍三單

王肅曰三單相襲居止則婦女在內老弱次之強壯在外

正義

徹田爲糧

王肅曰徹治也治其田疇以爲糧

正義

易林曰節情省欲賦斂有度家給人足公劉以富

家人之臨

幽居允荒

王肅曰幽國之居信廣大也

正義

于幽斯館

漢地理志右扶風枸邑有幽鄉詩幽風公劉所都也

班固曰周家后稷始封于邰公劉去邰之邠詩云卽有邰  
家室又曰于豳斯觀周家五遷其意一也皆欲成其道也  
白虎通京師篇 瓊按漢書元后傳春幸蘭館注引漢宮  
閣疏云上林苑有蘭觀是觀卽館字音亦讀若館也 應  
廣折曰列女傳柘觀  
外戚傳作柘館並同

取厲取鍛

釋文曰取礪取礪說文礪礪石

王質曰陰密芮城之間至  
今鐵器皆精唐邠州貢

刀火筋之屬礪鍛之餘俗也

瓊按傳訓鍛亦爲石與  
說文同然依今定本讀爲鍛竈之鍛則王養爲備也

芮鞠之卽

韓詩芮阨之卽

漢書

漢地理志注芮水出汧西北東入

涇詩芮阨雍州川也

按周禮職方氏  
雍州其川涇

鄭康成曰汭阨之卽汭在幽地

周禮注

陳啓源曰玉篇水外曰坵又阨古岸也當

以此爲正  
勸借字也

顏師古曰言公劉止其軍旅欲使安靜乃就芮泥之間也

漢書地理志注

洞酌三章

楊雄曰公劉挹行潦而濁亂斯清官操其業士執其經

類聚博士箴 玻按生民之什  
行葦公劉洞酌咏公劉者三篇

洞酌彼行潦

徐鍇曰洞遠也當作迴

說文  
聚傳

可以餽館



陸德明曰饒一作饋字書云一蒸米也爾雅曰饋餽也

孫炎云蒸之曰饋均之曰餽

釋文 葉酉日行潦之水可以供饒餽濯漑之用以言天

下之人材皆可隨材器使之也 琰按卽子雲所謂官操其業士執其經選賢與能之義也

豈弟君子民之父母

表記子曰豈弟君子民之父母凱以強教之弟以說安之

使民有父之尊有母之親如此而后可以爲民父母矣

家語孔子曰政莫大乎使民富且壽詩云愷悌君子民之

父母未有子富而父母貧者也

賢君篇

荀子曰詩云愷悌君子民之父母彼君子者固有爲民父

母之說焉父能生之不能養之母能食之不能教誨之君

者已能食之矣又善教誨之者也

禮論篇

韓詩外傳曰君子者貌恭而行肆身儉而施博故不肖者不能逮也殖盡于己而區畧于人故可盡身而事也爲愛而不奪厚施而不伐見人有善欣然樂之見人不善惕然掩之有其過而兼包之授衣以最授食以多法下易繇事寡易爲是以中立而爲人父母築城而居之別田而養之立學以教之使人知尊親故爲父服斬纓三年爲君亦服斬纓三年爲民父母之謂也

呂覽惠子曰愷者大也悌者長也君子之德長且大者則

爲民之父母父母之教子也豈待久哉

不出篇

可以濯漑

王念孫曰漑當作漑周禮凡禋事用漑疏云黑漆爲尊以朱帶裏腹名漑者橫漑之義是漑與漑皆尊名故二章言濯漑三章言濯漑也

左傳曰苟有明信澗溪沼沚之毛潢汙行潦之水可薦于鬼神可羞于王公風有采芣采蘋雅有行葦澗酌昭忠信也

卷阿十章

竹書紀年成王三十三年王游于卷阿

來游來歌

韓詩外傳曰以陳盛德之和而無爲也

件奠爾游矣優游爾休矣

王肅曰周道廣大而有文章故君子得以樂逸而來游優

游而休息

正義

似先公會矣

爾雅注爾先公會矣

弗祿爾康矣

爾雅注祿康矣

按方言爾康謂之祿

如圭如璋

徐幹曰如珪如璋珪璋以喻其德貴不變也

中論

令聞令望

荀子令問令望

文選注爾雅疏同

翩翩其羽

陸德明曰翩翩說文羽聲也字林飛聲也

釋文

說苑賦賦其羽

藹藹王多吉士維君子使媚于天子

許慎曰藹藹臣盡力之美

說文引詩 陳啓源曰七八章兩言藹藹謂庶僚竭力也釋訓

藹藹齊濟

臣盡力也

王逸曰藹藹盛多貌

楚詞注引詩

說苑魏文侯封太子擊于中山三年使不往來舍人趙

倉唐奉北犬晨見往見文侯稱詩文侯大喜乃出少子

摯而復太子摯故欲知其子視其友欲知其君視其所  
使趙倉唐一使而文侯爲慈父摯爲孝子詩曰藹藹王  
多吉士維君子使媚于天子舍人之謂也奉使

鳳皇鳴矣于彼高岡梧桐生矣于彼朝陽

高誘曰雄曰鳳雌曰皇三代來至門庭周室至于山澤詩  
云鳳皇鳴矣于彼高岡此之謂也呂覽注

初學記梧桐生矣于彼高岡鳳皇鳴矣于彼朝陽論衡同

毛傳以葦萋稱梧桐雌雄釋鳳鳴則經文當以論衡  
初學記所引爲正今本當由唐定本以後倒其次也

葦萋萋雌雄喞喞

王充曰禮記瑞命篇雄曰鳳雌曰皇雄鳴曰卽卽雌鳴曰

足足瑞命之言卽足足詩云嘒嘒噤噤此聲異也論衡講瑞

篇易林觀之乾詞率率斐斐

民勞五章

杜預曰周厲王暴虐民勞于苛政故詩人刺之左傳昭公二十年注

汔可小康

許慎曰汔水涸也說文引詩

李賢曰汔其也康安也後漢書班超傳注引詩

劉良曰汔已也文選三都賦注引詩

漢書迄可小康文選曰爾雅賦也疏引詩同

惠此中國以綏四方

左傳君子曰不失賞刑之謂也

僖公二十八年引詩

又昭公二十年仲尼曰政寬則民慢慢則糾之以猛猛則民殘殘則施之以寬寬以濟猛猛以濟寬政是以和詩云云施之以寬也

荀子曰川淵深而魚鼈歸之山林茂而禽獸歸之刑政平而百姓歸之禮義備而君子歸之禮及身而行修義及國而政明令行禁止王者之事畢矣詩云云此之謂也

致仕篇

淮南子曰聖王在上廓然無形寂然無聲官府若無事朝廷若無人無隱士無軼民無勞役無冤民四海之內莫不仰上之德象主之指夷狄之國重譯而至非戶辨而家說



之也推其誠心施之天下而已詩曰惠此中國以綏四方

內順而外寧矣

訓 素族

無縱詭隨以謹無良

左傳毋從詭隨

杜注詭人隨人無正心不可從

昭公二十年

李賢曰言詭詐委隨之人不可縱宜卽罪之用謹敕不善

之人也

後漢書陳忠傳注

潛夫論以謹是良

述教篇 張昕曰四家之詩師異指殊故字多不同

陳忠曰輕者重之端小者大之源

廣雅詭隨小惡也

故隄潰蟻

穴氣洩賊芒是以明者慎微智者識幾詩云云蓋所以

崇本絕末鈎深之慮

錢澄之曰據此則謂詭隨不禁必至無良 後漢書本傳

式遏寇虐，惛不畏明。

左傳曰：詩云云，糾之以猛也。

昭公二十一年

說文曰：惛，不畏明，昏曾也。

段曰：詩胡惛莫愁，惛莫懲。嗟惛不知其故，皆宜作昏。

家語：惛不畏明。

左傳同。

柔遠能邇，以定我王。

左傳曰：詩云云，平之以和也。

昭公二十一年

杜預曰：遠者，懷附近者，各以能進，則王室定。

左傳注。

釋文：採，遠能邇。

以謹惛傲。

周禮注以謹謹。

敬慎威儀以近有德

餘幹曰容貌者人之符表也符表正故情性治情性治故仁義存仁義存故盛德著盛德著故可以爲法象斯謂之君子矣詩云云

中論

左傳昭公二年叔弓聘于晉晉侯使郊勞辭致館又辭叔向曰子叔子知禮哉吾聞之忠信禮之器也卑讓禮之宗也詩曰敬慎威儀以近有德夫子近德矣

板  
八章

李固曰刺周王變祖法度使下民盡病也

後漢書本傳  
蔡邕傳同

鄭康成曰此君使民惑之詩

禮記注

上帝板板下民卒瘁

李巡曰上帝版版版版失道之辭也

爾雅釋文

緇衣子曰上人疑則百姓惑詩云上帝板板下民卒瘁故

君民者章好以示民俗慎惡以御民之淫則民不惑矣

釋文

沈重注亦作卒瘁

韓詩外傳下民瘳瘳

猶之未遠是用大諫

左傳是用大簡杜注簡諫也言王圖事不遠故用大道

諫之

成公八年吳越曰荀子魏志諫俱作簡

列女傳猷之未遠

天之方蹶無然泄泄

說文曰無然噍噍多言也

又言部引作譖譖 錢氏答問曰說文引詩作譖譖

訓為多言而爾雅以憲憲泄泄為制法則蓋多言之人恆好改制以先王之道為不足法而迎合時君之指作法以病民 王念孫曰此合爾雅說文之訓于孟子以言非先王之遺為泄泄者杏義益疎如矣 戴溪曰荀子泄亦作譖解蔽篇曰辨利非以言是則謂之譖楊注譖譖多言也 杏作諸正名篇曰愚者之言諸諸而沸揚注諸諸多言也

趙岐曰天謂王者蹶動也言天方動汝無敢杏杏

孟子注

解之輯矣

說苑辭之集矣

新序同

說文詞之計矣

民之治矣

列女傳民之協矣

左傳同

辭之懌矣民之莫矣

左傳叔向曰辭之不可已也子產有辭諸侯賴之若之

何其釋辭也詩云云

襄公三十一年

說苑子貢曰出言陳辭身之得失國之安危也詩云辭之經矣民之莫矣夫辭者人之所以通也

善說篇

及爾同僚

左傳文公七年晉先蔑使秦逆公子雍荀林父止之曰同官爲寮吾嘗同寮敢不盡心乎弗聽爲賦板之三章

聽我撻鼓

濟夫論聽我敖敖

按傳露同營此作敖字之省也又廣雅露露虛也虛者聽之爲若弗聞也

先民有言詢于芻蕘

鄭衆曰詢謀也

周官注引詩

鄭康成曰先民謂上古之君也芻蕘謂下民之事也

禮記注

坊記子曰上酌民言則下天上施故君子信讓以蒞百姓則民之報禮重詩云云

荀子曰迷者不問路溺者不問遂亡人好獨詩云云言博

問也

大畧篇

韓詩外傳曰獨視不若衆視之明也獨聽不若衆聽之聰也獨慮不若衆慮之切也詩云云取謀博也

賈山曰文王之時芻蕘採薪之人皆得盡其力此周之所

以興也

漢書本傳引詩

說苑曰泰山不讓壤石江海不逆小流所以成大也詩云

云言博謀也

齊賢篇

桓寬曰多見者博多聞者知距諫者塞專己者孤故謀及

下者無失策舉及下者無頓功詩云詢于芻蕘

鹽鐵論刺議篇

老夫灑灑小子蹢躅

劉向曰言老夫欲盡其謀少者驕而不受也

新序

列女傳小子矯矯

杞梁妻篇 郝云此所引蓋亦魯詩

多將煇煇不可救藥

說文曰煇煇火熱也

詩引

詩經廣詁

大雅生民之什

三



韓詩外傳曰重臣羣下者人主之心腹支體也心腹支體無疾則人主無疾矣故非有賢醫莫能治也詩云多將熇熇不可救藥終亦必亡而已矣故賢醫用則衆庶無疾况人主乎

劉向曰死者不可藥而生亂君之治不可藥而正詩云云

甚之之辭也

說苑辨物篇

說文繫傳多將嗃嗃爾雅謹諱諷

天之方憊無爲夸毗

爾雅釋訓夸毗體柔也

後漢書崔駰傳注夸毗謂佞人足恭善爲進退

姚範曰隋書何妥

傳莫不用短卽便夸毗遺射名譽厚相誣罔是夸大毗附之意不與毛鄭同也

威儀卒迷善人載尸

徐幹曰君子者行不媮合立不易方不以天下枉道不以樂生害仁安可以祿誘哉雖強執搏之而不獲已亦杜口

中論

王應麟曰善人載尸裴度之晚節也

民之方殿屎

說文民之方唵

唵錢澄之曰魯詩世學作唵

喪亂蔑資曾莫惠我師

劉向曰相亂蔑資曾莫惠我師此傷奢侈不節以爲亂者

也

說苑

天之屬民如壙如篴

風俗通曰天之誘民如壙如篴壙燒土長三寸六孔篴管

樂長尺一寸十孔

屬民孔易

樂記子夏曰爲人君者謹其所好惡而已君好之則臣爲之上行之則民從之詩云誘民孔易此之謂也

韓詩外傳曰聖王之教其民必因其情而節之以禮必從其欲而制之以義義簡而備禮易而法去情不遠故民之從命也速詩云誘民孔易非虛辭也

裴駟曰誘進也言民從君所好惡進之于善無難也

史記樂書

引詩民孔  
易集解

民之多辟無自立辟

文選注民之多辟無自立辟僻邪也辟法也

思元賦覽蒸民之多僻兮

畏立辟以危身舊注引詩 按此亦三家本不與毛同也 玃

价人維藩

許慎曰价善也

說文引詩

顏師古曰以善爲藩籬謂封周公康叔于魯衛也

漢書注

爾雅注介人維藩

漢書注同

大師維垣

顏師古曰以大師爲牆垣謂封太公子齊也

前

荀子曰君人者愛民而安好士而榮兩者無一焉而亡詩

云介人維藩大師維垣此之謂也

君道篇 瓊按依荀引詩以上民分屬則介人

爲介節之士大師爲大衆與箋異訓而義爲賅備矣

大邦維屏

韓愈曰諸侯之于天子不惟守土地奉職貢而已固將有

以翰屏之也

文粹七十  
八引詩

懷德維寧

顏師古曰懷和也能和其德則天下安寧

同前

宗子維城

張銑曰維連也言宗子連城封之以助京室也

文選晉紀  
總論注

左傳晉侯使士蔭爲二公子築蒲與屈不慎寘薪焉公使

讓之對曰詩云懷德維寧宗子維城君其修德而固宗子

何城如之

僖公五年城歸之大師

李光地曰宗子繼宗卽天子故以

班固曰昔周監二代三聖制法立爵五等封國八百同姓

五十有餘詩載其制曰价人維藩至無獨斯畏所以親親

賢賢褒表功德闢諸盛衰深根固本爲不可拔者也故盛

則周邵相其治致刑措衰則五霸扶其弱與其守自幽平

之後日以凌夷故天下謂之共主強大弗之敢傾歷載八

百旣于王赧尚猶枝葉相持莫得居其虛位

漢書諸侯王年表序

敬天之怒無敢戲豫

蔡邕曰畏天之怒不敢戲豫天戒誠不可戲也

後漢書又後漢紀

丁鴻疏引詩同又左傳不敢戲豫不敢馳驅無並作不同

後漢書敬天之威

楊秉傳詩攷

及爾游衍

釋文及爾游羨

生民之什十篇六十五章

詩經廣詁 大雅

桐城徐璈輯錄

蕩之什

第二十五

蕩八章

疾威上帝其命多辟

說苑曰公生明偏生暗端慙生達詐僞生塞誠信生神夸  
誕生惑此六者君子之所慎而禹桀之所以分也詩云疾

威上帝其命多辟言不公也

至公篇

靡不有初鮮克有終



詩經卷之什

班固曰言人行終始不能若一故據其終始從可知也白虎

通鑑  
法篇

韓詩外傳曰官怠于宦成病加于小愈禍生于懈怠孝衰

于妻子察此四者慎終如始詩云云

曾是彊禦

漢書注曾是彊禦

王念孫曰禦亦彊也字或作圍逸周書

註法威德剛武曰圍春秋繁露其強足以覆過其禦足以犯詐史記周本紀集解彊禦

謂強暴也彊禦與培克相對二字皆平列也

天降惇德

唐石經天降惇德

惇德

流言以對寇攘式內

劉向曰言不善之自內出也

列女傳引詩

侯作侯祝

釋文侯詛侯祝

集傳作讀爲詛

女無然于中國

說文繫傳咆嗥于中國

魏都賦作咆然劉註引詩

不明爾德時無背無側爾德不明以無陪無卿

韓詩外傳曰言文王咨嗟痛殷商無輔弼諫諍之臣而亡天下矣

漢書五行志曰視之不明是謂不慈詩云爾德不明以亡陪亡卿不明爾德以亡背亡仄言上不明暗昧蔽惑則不

能知美惡親近習長同類亡功者受賞有罪者不殺百官

廢亂也

顧註言不別善惡有逆青傾側者有堪爲卿大夫者皆不知之也 臧琳曰二句分說善惡較毛鄭

勝爲

天不涵爾以酒

韓詩曰飲酒閉門不出客曰涵

文釋

薛章句曰齊顏色均衆寡謂之流

初學記作沈

閉門不出客謂

之涵

文選魏都賦七命注

又曰夫飲之禮不脫屣而卽序者謂之禮跣而上坐者謂

之宴能飲者飲之不能飲者止謂之醜君子可以宴可以

醜不可以沈不可以涵

初學記

式號式呼俾晝作夜

班伯曰沉湎于酒微子所以告去也式號式譁大雅所以

留連也詩書淫亂之戒其原皆在于酒

漢書本傳

劉向曰人之有鬪比之狂惑疾病詩云云言鬪行也

說苑貴德

篇數按劉氏述詩以爲騷數因狂飲而忿爭亦飲食之訟也

如蝸如蟪如沸如羹

班固曰言上無號令不順民心虛譁憤亂則不能治海內

漢書五行志引詩

顏師古曰謂政無文理虛言囁嚅如蝸蟪之鳴湯之沸涓

羹之將孰也

五行志注班顏則謂政令殆屬魯義爲臆備也

白帖如蝸如螻

胡文英曰如螻謂螻蛄也

內異于中國

劉逵曰內異于中國不飲酒而怒曰最

文選二京賦注

呂向曰最奮也

文選三都賦注引詩

曾是莫聽大命以傾

劉向曰諫諍輔弼之人社稷之臣也明君好問闇君好獨明君上賢使能而享其功闇君畏賢妬能而滅其業罰其忠而賞其賊夫是之謂至闇桀紂之所以亡也詩云云此之謂也

謂死

枝葉未有害本實先撥

韓詩外傳曰根淺則枝葉短本絕則枝葉枯詩云云言禍福自己出也

列女傳本實先敗

東郭姜篇

殷鑒不遠在夏后之世

國語王子晉曰天所崇之子孫或在畎畝由欲亂民也畎畝之人或在社稷由欲靖民也詩云殷鑒不遠近在夏后之世

韓詩外傳曰明鏡者所以照形也往古者所以知今也前車覆而後車不誠是以後車覆也故夏之所以亡者而殷爲之殷之所以亡者而周爲之故殷可以鑒于夏而周可

以鑒于殷詩云云

劉向曰言湯以桀爲戒也聖帝明王常以敗亂自戒不諱

廢典

漢書本傳引詩

杜欽曰刺戒者至迫近而省聽者常怠忽可不慎哉

漢書本傳

詩引

王符曰與死人同病者不可生也與亡國同行者不可存

也豈虛言哉

潛夫論忽賢篇引詩

十二章

抑

楚語左史倚相曰衛武公作懿戒以自儆也章昭注懿

讀曰抑大雅抑之篇也

韓詩翼要曰衛武公刺王室亦以自戒行年九十有五猶

使人日誦是詩而不離于其側

正義錢澄之曰誦之日誦者蓋作之久矣

楊士勛曰抑刺厲王之詩也

梁傳疏

按序以此詩爲

上上距厲王流彘之時已三十年序者以前後諸詩皆刺厲王故同之也又按韓家云刺王室亦不云厲王也

抑抑威儀維德之隅

顏師古曰言有密靜之德審于威儀則其持心有廉隅

漢書

馮野王傳注

又曰隅謂得道德之一隅也

敘傳注

漢劉熊碑惟德之隅

釋

人亦有言靡哲不愚

淮南子曰凡有道者應卒而不乏遭難而能免故天下貴



之今知所以自行也而未知所以爲人行也其所論未之究者也人能由昭昭于冥冥則幾于道矣詩曰人亦有言

無哲不愚此之謂也

人間訓篇

無競維人

高誘曰無競競也國之強維在得人

呂氏春秋引詩注

有覺德行四國順之

緇衣子曰長民者章志貞教尊仁以子愛百姓民致行已

以說其上矣詩云有杕德行四國順之

鄭注杕大也直也

董仲舒曰覺者著也王者有明著之德行則四方莫不風

化響應于善矣

春秋繁露引詩

孔安國曰覺直也言先王行正直之德則四方衆國皆順

從法則之

孝經傳

王逸曰覺較也

楚詞注引詩 較然明白也義與董訓近

杜預曰有覺較然正直也

左傳叔向曰齊大夫外舉不棄

云云夫子覺者也

襄公二十年

新序齊桓公下布衣之士諸侯相率而朝靡有不至詩

云云

雜事篇

遠猶辰告

韓詩外傳遠猷辰告

敬慎威儀維民之則

左傳衛北宮文子曰有威而可畏之謂威有儀而可象之謂儀君有君之威儀其臣畏而愛之則而象之故能有其國家令聞長世臣有臣之威儀其下畏而愛之則而象之故能守其官職保族宜家順是以下皆如是是以上下能相固也詩曰敬慎威儀惟民之則民所不則以在民上不

可以終

襄公三十一年

匡衡曰欽翼祇禋事天之容也溫恭敬遜承親之禮也正躬嚴恪臨衆之儀也嘉惠和悅養下之顏也舉錯動則物遵其儀故形爲仁義動爲法則孔子曰德義可避容止可觀進退可度以臨其民是以其民畏而愛之則而象之大

雅曰敬慎威儀維民之則

漢書本傳

荒湛于酒

韓詩外傳荒湛于酒 漢書五行志荒沈于酒

夙興夜寐洒掃庭內維民之章

韓詩外傳子路治蒲三年孔子過而善之曰入其境田疇草萊甚闢此恭敬以信故民盡力入其邑墉屋甚尊樹木甚茂此忠信以寬故民不偷入其庭甚聞此明察以斷故民不擾也詩云云

弓矢戎兵用戒戎作用邊蠻方

王符曰詩云脩爾與馬弓矢戈兵用戒作則用邊蠻方故

兵之設久矣涉歷五代以迄于今國未嘗不以德昌而以

兵強也

潘夫論勸將篇  
按筵邊當作獨

質爾人民

鹽鐵論詰爾人民 韓詩外傳告爾人民 爾雅注質爾

民人

謹爾侯度用戒不虞

傅亮曰慎爾侯度用戒不虞言防萌也

晉書本傳 按左傳及此引詩皆作

慎今集傳正義本皆作謹豈集傳緣  
避宋諱而傅箋本亦朱刻改之耶

左傳鄭公孫黑肱有疾歸邑于公曰吾聞之生于亂世

貴而能貧民無求焉可以後亡生在敬戒不在富也君

子曰詩云慎爾侯度用戒不虞鄭子張有焉襄公二十二年

慎爾出語敬爾威儀

緇衣子曰君子道人以言禁人以行故言必慮其所終而行必稽其所敝則民謹于言而慎于行詩云云

白圭之玷尙可磨也斯言之玷不可爲也

緇衣子曰言從而行之則言不可失也行從而言之則行不可飾也故君子寡言而行以成其信詩云云

說文曰白圭之胡胡缺也

缺缺曰詩本作胡从刀後人以文連白圭改刀從玉矣

皇侃曰白玉有玷缺尙可磨治令其全好若人言忽有瑕玷則駟馬不及故云不可爲也

論語義疏

史記白圭之玷猶可磨也

大戴禮子曰獨居思仁公言思義其聞詩也一日三復

白圭之玷是南宮縚之行也

家語史記弟子列傳並同

劉向曰口者關也舌者機也出言不當四馬不能追也  
口者關也舌者兵也出言不當反自傷也故蒯子羽曰  
言猶射也括既離弦雖有所悔焉不可從而追已詩云

云說苑談叢篇

無易由言無曰苟矣

韓詩外傳曰無類之說不贊之詞君子慎之詩云云

無言不讎無德不報

顏師古曰無言不讎讎對也賞當其言也無德不報言受

人之德必有報也

漢書注

表記子曰以德報德則民有所勸以怨報怨則民有所懲  
詩云云

列女傳曰名無細而不聞行無隱而不彰詩云無言不訕

無德不報此之謂也

周忠篇

墨子曰大雅之所道曰無言而不讎無德而不報投我以  
桃報之以李此言愛人者必見愛也而惡人者必見惡也

兼愛篇

韓詩外傳無言不訕

藝文類聚無言不訕

讎對笑作訕



漢書亡德不報

子孫繩繩

韓詩外傳子孫承承

釋文子孫慙慙

方以智曰爾雅兢就儼儼戒也邢疏

引子孫繩繩  
小心戒慎也

尚不愧于屋漏

漢書上不愧于屋漏

劉向傳

不愆于儀

緇衣不愆于儀

段曰愆猶文又左傳襄三十年引詩淑慎爾止下有無戴爾偽語杜以為逸詩

不僭不賊鮮不爲則

左傳秦公孫枝曰唯則定國詩云云無好無惡不忌不克

之謂也

僖公九年

又趙文子曰詩云云信也能爲人則者不爲人下矣

昭公元年

荀子曰君子率道而行端然正己不爲物傾側夫是之謂

誠君子詩云云此之謂也

非相篇

杜預曰僭過也差也賊傷害也言能不然則可爲人法則

左傳注

投我以桃報之以李

桓寬曰詩云云未聞美往而以惡來也

鹽鐵論引詩

荏染柔木

白帖荏再柔木

瓊按文選注荏再歲月流貌言此柔木歷歲月長成則可爲弓幹柔木屬柔之類

溫溫恭人維德之基

表記子曰恭寡過情可信儉易容也以此失之者不亦鮮乎詩云云

荀子曰天子不視而見不聽而聰不慮而知不動而功塊然獨坐而天下從之如一體如四肢之從心夫是之謂大形詩云云此之謂也

君道篇

告之話言

釋文告之話言

段云陸氏所據未誤本

於乎小子未知臧否

薛章句曰嗚歎詞也

文選陸機詩注

王逸曰詩人怨主刺上曰嗚乎小子未知臧否匪而命之

言提其耳風諫之語于斯爲切仲尼論之以爲大雅楚詩章句

序璩按淮南子曰衛武侯謂其臣曰小子無謂我老而

羸我有過必謂之高註武侯蓋年九十五矣據此則小子是呼其臣下之詞示事提耳則所謂有過必謂之也

匪手攜之 匪面命之

說文繫傳匪面命之言示之事匪口誨之言提其耳卷三口部

誨爾諄諄聽我藐藐

禮記註誨爾忱忱 尚書大傳註誨爾純純聽我眊眊

淮南子註聽我邈邈

借曰未知

漢書精曰未知

國語楚左史倚相曰昔武公年數九十有五矣猶箴儆于國曰自卿以下至于師長士苟在朝者無謂我老耄而舍我必恭恪于朝朝夕以交戒我聞一二之言必誦志而納之以訓道我在輿有旅費之規位宁有官師之典倚几有誦訓之諫居寢有警御之箴臨事有警史之道宴居有師工之誦史不失書矇不失誦以訓御之于是乎作懿戒以自儆也

桑采

十六章

左傳曰周芮良夫之詩

文公元年 芮伯名逸周書有芮良夫篇

陳啟源曰良夫

王符曰周厲王好專利芮良夫諫而不入退賦桑柔之詩

以諷

潛夫論

竹書紀年厲王八年初監謗芮伯良夫戒百官于朝

倉兄填兮

釋文倉况填兮

四牡騤騤旃旌有翩

許慎曰騤騤馬行盛威儀也

說文引詩

韋昭曰翩翩動搖不休止之意

周語引詩註

國步斯頻

說文曰國步斯頻頥恨張目也

靡所止疑

詩考補遺引曹氏詩說云疑齊詩作凝

誰生厲階至今爲梗

杜預曰階道梗病也

左傳注

左傳昭公二十四年楚子爲舟師以畧吳疆吳人踵楚而邊人不備遂滅巢及鍾離而還沈尹戌曰亡郢之始於此在矣詩曰誰生厲階至今爲梗其王之謂乎

誨爾序爵

鄭康成曰謂教之以善否之次第也

周官注

誰能執熱逝不以濯

左傳北宮文子曰詩云云禮之于政如熱之有濯也濯以

救熱何患之有

襄公二十一年

墨子曰詩云告女憂卹誨女序鬱誰能執熱鮮不用濯則

此語古者國君諸侯之不可以不執善承嗣輔助也譬之

執熱之有濯也將休其手焉

尚賢篇卹句對言序鬱者謂宣序幽

鬱猶鄰詩所云爲憂也詩之有道卽下文執熱用濯之方也墨子所引當爲詩本字後乃訛作卹也

劉喬曰誰能執熱逝不以濯若誠濯之必無灼爛之患未

有泰山之固矣

晉書本傳

其何能淑載胥及溺

韓詩外傳曰美材也而不聞君子之道隱小物以害大物

者災必及身矣詩云云



趙岐曰淑善載詞也刺時君臣何能為美乎但相與為沉

溺之道也

孟子注

如彼遛風

文選注如彼愬風

月賦注錢大昕曰袁宏風感不絕于子心愬流風而獨寫正用此詩

亦孔之僂

徐鍇曰亦孔之烝烝也氣咽也向風而行則氣烝也

說文繫傳

靡有旅力以念穹蒼

韓詩外傳曰民勞思佚治暴思仁刑危思安國亂思天詩

云云

攷按旅陳靡無也言臣子無有陳力之處但相與念穹蒼耳太史公云人窮則返本疾痛慘怛未嘗不呼

父母勞苦患難未嘗  
不呼天有如詩意矣

自獨俾臧

高誘曰自智謂人愚自巧謂人拙

呂覽智度  
篇引詩註

陸賈曰詩云惟彼不慎自獨俾臧言自用也

文粹二  
十五

自有肺腸俾民卒狂

劉勰曰芮良夫之詩云云夫心險如山口壅若川怨怒之

情不一歡譁之言無方

文心雕龍  
諧隱篇

姓姓其鹿

許慎曰姓姓衆生竝立之貌

說文  
引詩

五經文字 姓姓其鹿

玉篇說姓  
統通用

匪言不能胡斯畏忌

徐幹曰酒食人之所愛也而人相見莫不進焉不吝于所愛者以彼之嗜之也使嗜者基于酒食人豈愛之故忠言之不出以未有嗜之者也詩云云

漢書胡此畏忌

民之貪亂寧爲荼毒

荀子曰凡人莫不欲安樂而惡危辱惟君子爲能得其所好小人則曰徼其所惡詩云云篇

韋昭曰寧安也荼苦也言民病王之虐貪樂禍亂安爲荼

毒之行

周語注

征以中垢

韓詩外傳曰往以中垢開行也

數按開行謂所行者開昧不光明此不順之實也

大風有隧貪人敗類

韓詩外傳曰福生于無爲而患生于多欲夫土地之產不益山澤之出有盡懷不富之心而求不益之物挾百倍之欲而求有盡之財是桀紂之所以失其位也詩云云

王符曰言是大風也必將有遂是貪民也必將敗其類

滑夫

論過利篇 何楷曰周語厲王虐國人誘王王怒得衛巫使監誘者詩匪言畏忌蓋卽監誘事又厲王說榮夷公芮良夫曰榮公好專利而不知大難詩貪人敗類蓋卽斥榮公也

杜預曰隧蹊徑也言貪人之敗善類若大風之毀壤衆物

文公元  
年注

爾雅註秦風有墜

華希濂曰爾雅西風謂之秦風秦風秋風也草拂色變木遺葉脫所以與不順

與敗類也

按淮南子注墜墮也言秦風起則草木爲之墜落卽墜籜之義也

御覽秦風有墜

按此與爾雅注所引同墜卽作墜無煩轉訓矣

聽言則對誦言如醉

杜預曰言昏亂之君不好典誦之言聞之若醉得道聽塗

說之言則喜而對答

左傳注

漢書賈山傳聽言則對誦言則退

顏師古注言而見

聽則悉意對答不見信受則屏退也今詩云聽言則對

誦言如醉又別爲義也

反于來赫

釋文反于來赫

文選註拒  
人曰嚇

職涼善背 涼曰不可

考文職諒善背

諒曰不可

按此當依夔本若傳訓  
薄依廣雅字又作焄矣

雲漢

八章

董仲舒曰周宣王時天下旱歲惡甚王憂之其詩云云

春秋

繁露 論衡治期篇曰詩道周宣王遭大旱  
矣 劉孝標葬命論曰周宣祈雨圭璧斯帶

薛章句曰宣王遭亂仰天也

文選注 稽古編小雅宣王  
詩十四篇大雅宣王詩六篇

皇甫謐曰宣王元年天大旱王遇災而懼整身脩行祈于

羣神六月乃得雨大夫仍叔美而歌之

帝王世紀御覽八十五

倬彼雲漢

許慎曰倬著大也

說文引詩

龍龜手鑑曰倬詩云明貌也

韓詩對彼雲漢

文選注可均曰對彼雲漢對當爲動據葛後甫田知之

饑饉薦臻

春秋繁露饑饉游臻

圭璧既卒

韓詩內傳曰天子奉玉升柴加于牲上

郊特牲正義

寧莫我聽

荀悅曰災祥之報或應或否故稱洪範咎徵則有堯湯水





董仲舒曰宣王自以爲不能乎后稷不中乎上帝故有此

災有此災愈恐懼而謹事天

春秋繁露引詩 瘳按不能不中以一人言之故下句寧

丁我躬亦謂使一人當此災可也 爾雅訓中蓋古有此釋矣 鄭箋克當作刻

耗斁下土

薛君章句曰耗惡也

後漢書后妃紀注

春秋繁露耗射下土 說文耗殫下土

周餘黎民靡有子遺

趙岐曰志在憂旱災民無子然遺脫不遺旱災者非無民

也

孟子注

王充曰詩云維周黎民靡有子遺是謂周宣之時遭大旱

之災民被其害而言靡有子遺增益其文欲言旱甚也

藝增

徐堅曰詩人傷旱之甚民被其害言無有子遺一人不愁

痛者

初學記

滌滌山川

韓詩傳曰湯時大旱禱于山川以六事謝過自責曰政不

一歟民失職歟宮室崇歟婦謁盛歟苞苴行歟讒夫倡歟

何休公羊解詁

說文曰薇薇山川薇旱甚也

廣韻薇薇草木旱死也

旱魃爲虐

章璣詩答問曰天有常神人死爲鬼不審旱氣生魃奈何

曰魃鬼人形眼生頂上天生此物則將旱天欲爲災何所

不生而有常神耶藝文類聚 吳任臣曰神吳經南方有魃長二三尺裸身目在頂上行走如風

見則大旱魏書咸平五年晉陽得死魃長二尺而頭各二目通考永隆元年長安獲女魃長尺有二寸

如悛如焚

韓詩如炎如焚後漢章帝紀注釋文如悛如焚臧云說文焚燒田也作焚誤

我心惓暑

韓詩曰惓苦也釋文

白帖我心癩暑按論衡形中有五常有癩熱之病是癩爲熱病言我心既病熱而遽旱暑益甚也

胡寧癩我以旱

韓詩曰疹我以旱疹重也

釋文

敬恭明神

文選注敬恭明

祀

按陸士衡詩駕言巡明祀衛觀碑敬恭明祀以奉皇靈皆用詩語也

靡人不周

衆經音義曰靡人不調以財與人曰調

按按調當爲韓詩字箋云周當作調

從韓義也

云如何里

釋文云里本作廛爾雅作惺惺憂也

何楷曰里卽道里言天高而不能聽卑也

有嘒其星

說文曰有識其聲識聲也

段玉裁曰此蓋三家詩也

王充曰成湯遭旱周宣亦然然而成湯加成周宣加宣

無妄之災不能虧政

論衡二十

應璩書曰頃者炎旱日更增甚沙磧消鑠處高臺而有鬱蒸之煩浴寒冰而有灼爛之患宇宙雖廣無陰以憩

雲漢之詩何以過此

文選

賈公彥曰凡邦之大裁則歌哭而請雲漢之詩是也

周官

疏 姜炳璋曰晉穆帝大霧歌雲漢之詩梁武帝十五年祈雨舞僮爲八列每列歌雲漢一章後魏和平元年寫早選伎工歌雲漢皆以雲漢爲雩祭之樂章也

崧高

八章

王符曰周宣王時輔相大臣以德佐治亦獲有國故尹吉

甫作封頌二篇言申伯山甫文德致昇平而王封以樂土

賜以盛服也

潘夫論三式篇 竹書宣王七年王錫申伯

謂之申伯按王氏謂爲輔相大臣蓋亦以牧伯言矣 邦教曰雲旱遇災明格天之德崧高 行著親賢之禮

崧高維嶽峻極于天

應劭曰嵩高維嶽中央曰嵩高高者高也在潁川陽城縣

風俗通

孔穎達曰崧然而高者維是五嶽 禮記疏

禮記嵩高維嶽峻極于天

劉勰曰言峻則高高極天論狹則河不容舠說多則子

孫千億稱小則民靡子遺文詞所被夸飾恒存故曰不

以文害辭不以辭害意可也

文心雕龍  
考飾篇

生甫及申 維周之翰

鄭康成曰翰幹也言周道將興五嶽爲之生賢輔佐仲山

甫及申伯爲周之幹臣

禮記注  
注不同

按箋謂申伯甫侯與記  
錢澄之曰劉陶云周宜

用申甫以濟夷風之難此詩並稱乃統爲二詩發端耳  
嚴可均曰鄭以生甫及申爲仲山甫中伯蓋韓詩也

張衡曰申伯樊仲實幹周邦

本傳  
後漢書注申伯  
及仲山甫並周之卿士

李康曰詩云云

惟嶽降  
神四句

運命之謂也

文選選  
命論

禮記孔子閒居曰清明在躬志氣如神者欲將至有開

必先天降時雨山川出雲其在詩曰云云

首章  
八句此文武

之德也

嚴粲曰謂文武之德施及後  
世故天生申甫以佐中興

王纘之事

韓詩曰王踐之事踐任也

釋文 郝云中庸踐其位鄭注踐或爲踐

潛夫論王薦之事

子邑于謝南國是式

潛夫論曰子邑于序南國爲式申城在南陽宛北序山之

下宛西三十里有呂亭

志氏姓篇 王應麟曰南陽宛縣申伯國左傳當成周者南有申呂

申公巫臣曰是以爲賦以禦北方蓋楚得申呂而始彊茲所以爲周室之屏翰與

孔穎達曰申與齊許由太姜得封其後申絕至宣王時申

伯以王舅改封于謝

左傳隱八年疏 惠周揚曰宣王封申侯于方城欲以制北狄封申伯于

南陽欲以

控荆蠻



以作爾庸

釋文以作爾墉璣按西京賦薛綜注墉謂城也墉通作庸

附城

別制國不能五十里者曰附庸新莽謂之

王命召伯

王肅曰召公爲司空主繕治

正義

錫爾介圭

爾雅注錫爾玠珪釋器珪大凡二寸

謂之玠註引詩

往近王舅

劉燾曰近語詞本作近後人以形類近而致譌耳毛尻正云近說文作近近與記同玉篇云起今作記詩釋文唐石

經作近傳寫之譌

熾亦曰起與

記同傳譌已者古已記聲同也

申伯番番既入于謝

鄭道元曰謝水出謝城北北源微小至城漸大周迴水側  
詩所謂申伯番番既入于謝光武封樊重少子丹爲謝侯  
侯卽其國也

水經注

王逸曰徐國徐周宣王之舅申伯所封也詩曰申伯番番  
既入于徐周襄偃王脩行仁義諸侯朝之者三十餘國而  
無武備楚文王興兵擊之而滅徐也

楚詞招魂  
七諫注

以贈申伯

陸德明曰贈送也詩之本皆爾崔集注本作曾增也云增

益申伯之美

釋文  
段曰說文  
曾字亦云益也

蒸民

八章

蒸民之什

韓詩外傳曰昔周德大衰道廢于厲申伯仲山甫輔相宣  
王撥亂世返之正天下畧振宗廟復興申伯仲山甫乃並  
順天下匡救邪失喻德教舉遺士海內翕然嚮風故百姓  
勃然詠宣王之德

嚴可均曰此及潛夫論皆合崧高蒸民二篇統論之

傳咸詩曰吉甫作頌有馥其馨實由樊仲其德克明

藝文類聚

天生蒸民有物有則

韓詩外傳曰言民之德以則天也不知所以則天又烏得  
爲君子乎

潛夫論天生蒸民

民之秉彝好是懿德

王符曰詩云民之秉彝好是懿德民之有心也猶爲種之有圃也遭和氣則秀茂而成實遇水旱則枯槁而生孽民蒙善化則人有士君子之心被惡政則人有恒奸亂之慮

潛夫論

文選注好是懿德

保茲天子生仲山甫

董仲舒曰周道衰于幽厲至于宣王思昔先王之德興禮補弊明文武之功業周道榮然復興詩人美之而作上天祐之爲生賢助後世稱誦至今不絕此夙夜不懈行善之

所致也

漢書本傳

古訓是式

列女傳故訓是式

鮑毋篇按此傳詩字箋云故訓先王之遺典即用魯表也

續戎祖考

劉帝臣曰權德輿有云魯獻公仲子曰仲山甫入輔于周食采于樊則是續戎祖考謂周公及獻公也璩按元和姓纂周太子虞仲支孫爲周卿士食采于樊因命氏今河南陽樊是也周有樊穆仲字山甫與國語不同

白帖纂戎祖考

王之喉舌

百官表曰尚書令總攝諸曹出納王命敷奏萬機詩云惟

仲山甫王之喉舌蓋謂此也

藝文類聚四十八

肅肅王命

後漢書蘇林王命

郎顛傳

獨孤及文曰肅者威德克就之名詩云曷不肅雍又曰肅肅王命肅殿也敬也忠之屬天地不肅則歲不成宗廟不肅則禮不立軍旅不肅則人不服肅之時義大矣

哉

文粹四十一

既明且哲以保其身

徐幹曰大雅貴既明且哲以保其身者夫明哲之士威而不懾困而能通決嫌疑辨物居方見變事則達其機得經事則循其常比諸志行之士不亦愈乎

中論

夙夜匪解以事一人

董仲舒曰彊勉學問則聞見博而知益明彊勉行道則德日起而大有功詩曰夙夜匪解書云茂哉茂哉皆彊勉之

謂也

漢書本傳

左傳昭公三年秦伯伐晉遂霸西戎用孟明也君子是以知孟明之臣也其不解也能懼思也詩云云孟明有焉

續漢記曰陰議拜特進極言正議至與賓客語不及國

事常慕仲山甫夙夜匪解

藝文類聚二十

柔亦不茹剛亦不吐

顏師古曰言其平正也

漢書薛宜傳注

韓詩外傳曰君子崇人之德揚人之善非道諛也正言直  
行指人之過非指毀也訕柔順從剛強與物周流道德不  
外詩云云

不侮矜寡不畏強禦

杜預曰侮陵也

左傳注

漢書不畏強國

王莽傳

顏注強梁國捍也

國策高注不辟強禦

左傳昭公元年楚右尹子干出奔晉叔向使與秦公子  
同食趙文子曰秦公子富叔向曰底祿以德德鈞以年



年同以尊公子以國不闕以富且夫以千乘去其國疆  
禦以甚詩曰不侮鰥寡不畏彊禦秦楚匹也使后子與  
子于齒

德翰如毛民鮮克舉之

董仲舒曰言其易也

春秋繁露引詩

曹昭曰翰輕也德輕而易行也

文選幽通賦注引詩

表記子曰仁之爲器重其爲道遠舉者莫能勝也行者莫  
能致也取數多者仁也中心安仁者天下一人而已矣大  
雅云云

韓詩外傳至精而妙乎天地之間者德也非聖人其孰能

與于斯詩云云

衮職有闕維仲山甫補之

杜預曰闕過也言服衮者有過則仲山甫能補之

左傳注  
據按

宜王欲立魯嚴仲山甫諫之宜王料民大煩仲

山甫諫之詩所謂補衮之闕盜寶有所指矣

黃震曰王制三公一命衮若不加則賜也此言衮者人臣之極常缺之而不服惟仲山甫加賜而得之是常時所缺

而今則  
補之也

左傳士季曰詩云云能補過也君能補過衮不廢矣

宣公

二年

征夫捷捷

玉篇曰征夫健健樂事也

四牡彭彭

說文四牡騶騶

王玉樹曰騶馬盛也據此則北山大明四牡韓奕牡馬各彭彭字皆當作騶騶

又曰四牡騶騶

仲山甫徂齊 仲山甫永懷

爾雅釋詁齊疾也 郭註仲山甫徂齊

義疏郭以齊為疾蓋本三家說

杜欽曰仲山甫吳姓之臣無親于宣就封于齊猶歎永懷

宿夜徘徊不忍遠去

漢書本傳

鄧展曰詩言仲山甫銜命往治齊城郭而韓詩以為封于

齊也

杜欽傳注嚴虞惇曰齊至胡公據蒲姑其子康公徙臨淄當周夷王時豈至是始備城郭之制歟

錄釋漢孟存脩交廟碑曰仲氏所自出本姬周之遺苗天生仲山甫翼佐中興遂受封于齊周道衰微失爵亡邦後

嗣承徵居于成陽周氏仲馮

宋蘇初曰此蓋韓杜之說

晉書謝氏道韞將軍奕之女也叔父安常問毛詩何句爲佳答曰吉甫作頌穆如清風仲山甫永懷以慰其心

安謂其雅人深致世說同

韓奕

六章

王符曰周宣王有韓侯其國也

潛夫論

奕奕梁山

薛君章句曰奕奕盛貌

文選注

許慎曰奕奕大也

說文引詩

楊士勛曰梁山韓國之鎮

錢梁成公五年疏引詩

漢地志注曰梁山在夏陽西北詩奕奕梁山晉國所望大

梁別小梁之號俱在韓城縣界

維禹甸之

韓詩惟禹陬之

周禮雅人注引疏云韓詩

有倬其道

韓詩曰有倬其道倬明也

釋文

韓侯受命

韓詩內傳曰諸侯世子三年喪畢上受爵命于天子乃歸

卽位明爵爲天子有也臣無自爵之義所以名爲世子欲

其世世不絕也

白虎通並曲禮疏竹書紀年宣王四年王命厥父如韓韓侯來朝

幹不庭方

韓詩章句曰幹正也謂以其議非而正之

文選西京賦注

王錫韓侯

韓詩曰諸侯有德天子錫之

北堂書鈔三十

周禮注王賜韓侯

元衮赤舄

鄭康成曰舄有三等赤舄爲上冕服之舄

周官注引詩疏曰冕服皆元

上種下而畫以袞龍赤舄象裳故也

馮景曰周公袞衣繡裳韓侯元衣繡裳而後履赤舄卽九錫之賜履也

鈞膺鏤錫

說文曰鈞膺鏤錫馬頭飾也一曰鏃車輪鐵也

傅元曰元衮赤舄鈞膺鏃錫敬其文也有嚴有翼共武之

服詠其武也

本集服論

鞞鞞淺鞞

釋文

鞞鞞

淺鞞

玉篇鞞鞞中鞞也鞞鞞同鞞儀禮鞞鞞記作鞞周禮鄭註鞞鞞鞞也鞞本字鞞鞞借字

韓侯出祖

應劭曰禮傳其工之子曰脩好遠遊故祀以爲祖神祖者

祖也

風俗通引詩

顯父餞之

藝文類聚顯甫餞之

雜笱及蒲

說文惟葦

及蒲

按笱傳謂竹萌然後世蘆葦之萌亦謂之笱說文作葦者謂葦萌也

諸娣從之祁祁如雲

班固曰姪娣從之祁祁如雲姪者兄之子娣者女弟也姪娣從嫡者人君無再娶之義也備姪娣從者爲其必不相

妬嫉也

白虎通義

范甯曰姪娣年十五以上能共事君子可以往二十而御

娣必少于嫡知未二十而往也

穀梁隱公七年傳注引詩

蹶父孔武靡國不到

易林大夫所父無地不涉爲吾相土莫如韓樂可以居止

長安富有

井之謠 瓌按易林兩用詩詞皆易蹶作祈豈蹶父卽爲宜王司馬之祈父歟司馬掌征伐孔

武故宜其官矣



爲韓姑相攸莫如韓樂

杜預曰爲女相所居也

左傳注

左傳成公九年季文子如宋致女復命公享之賦韓奕之五章穆姜出于房再拜曰大夫勤辱不忘先君以及嗣君施及未亡人先君猶有望也敢拜大夫之重勤

川澤訃訃

白帖川澤訃訃

五

魴鱣甫甫應鹿嘖嘖

小爾雅曰魴鱣甫甫語其大也應鹿麇麇語其衆也

溥彼韓城燕師所完

酈道元曰聖水又東逕韓城東詩韓奕章曰溥彼韓城燕

師所完王肅曰今涿郡方城縣有韓侯城世謂寒號城也

水經注聖水 瓌按以此篇首言梁山故兩漢志以在同

州之韓城當之而未章言追和北國則宜為涿郡之韓城

矣同之距涿殆二千里不得併為一談豈韓先封之國在

同州為晉所併今所來朝之韓侯乃改封于近燕之涿郡

耶 又按賈逵左傳注南燕姑姓詩云韓姑則曠父為姑

姓蓋南燕之後入為王卿士者燕師城韓先祖時事因此

日之婚媾述舊

時之邦交也

郡國志曰同州韓城卽韓原也詩所謂韓侯受命是此地

春秋時秦擒晉惠公處也 御覽百九十二

王肅曰燕北燕國 因學記開三竹書紀年成王十二年

日成王時命韓侯為侯伯後為晉所滅按此同州之韓也

願炎武曰水經注濕水逕良鄉縣之北界歷梁山南高

梁水出焉是所謂奕奕梁山也魏地形志范陽方城縣有韓侯城今固安縣有方城村卽漢縣也富以水經注爲定國若璩曰讀入覲句知韓遠與北燕爲鄰不在畿內矣江木曰水經注鮑邱水過潞縣逕梁山南路縣今之通州則燕國有梁山矣

因時百蠻

李賢曰百言衆多也獨言蠻通四夷

後漢書明帝紀注瓌按此謂韓之先祖

受命封韓因是有平服百蠻之功如來威之方叔也

獻其貔皮

許慎曰貔豹屬

說文引詩

考文獻其貔皮

江漢 六章

後漢書注吉甫美宣王也

伏湛傳

江漢浮浮

風俗通江漢陶陶

蘇轍曰自周而南出于江漢之間召公率兵循江而下也

敷按汝桐之南夷

之近于淮者皆謂之淮夷此由江漢而伐淮夷蓋淮西之夷也自此而東及于徐方後常武曰率彼淮浦省此徐土

曹粹中曰先伐淮夷次征徐國蓋二篇皆一時事矣

武夫滔滔

侯包曰滔滔衆至大貌

正義

淮夷來鋪

方言鋪止也戴震曰此蓋釋詩淮夷來鋪之義言爲淮夷之故來止于此與上匪安匪遊淮夷來求文意適合舊讀鋪爲疇訓病失于迂曲矣

武夫洗洗

鹽鐵論武夫漚漚

文苑武夫儻儻

敬按釋訓是越恍恍武也則此詩洗洗字

又作恍矣

式辟四方

韓詩曰辟除也

衆經音義

召公維翰

班固曰召公文王子也禮服傳曰子得爲父臣者不遺善

之義也

白虎通義引詩

肇敏戎公

韓詩曰肇長也

釋文

後漢書樂敏戎功

釐爾圭瓚秬鬯一卣告于文人錫山土田

韓詩外傳曰諸侯之有德天子錫之一鈔車馬再錫衣服

三錫虎賁四錫樂器五錫納陛六錫朱戶七錫弓矢八錫

圭瓚九錫秬鬯

秦惠田曰諸侯未賜圭瓚者不得爲鬯白虎通云天子鬯諸侯薰大夫芑爾士蕞庶

人艾王

鬯云諸侯賜圭瓚然後爲鬯故種圭瓚必兼以和程泰之曰昔用麥爾秬鬯一卣左傳王賜晉侯秬鬯

一卣秬黑黍王親耕以供粢鬯之用築鬱金之草而煮之和以秬黍之酒使之芬芳條鬯亦謂之粢鬯

自召祖命

韓詩曰予小子使爾繼召公之後受命者必以其祖命之

外傳

矢其文德洽此四國

禮記孔子閒居曰三代之王也必先其令聞詩云明明天

子令聞不已三代之德也弛其文德協此四國大王之德

也鄭註弛施也協和也

按傳訓同施是毛本亦作弛也

晉張載平吳頌曰大上成功非頌不顯情動于中非言不彰獫狁旣擻出車以興淮夷旣平江漢用作斯故先

典之明志不刊之美事

藝文類聚五十九

常武

六章

庚粵曰宣王命召穆公征淮夷之詩

晉書本傳

王命卿士南仲大祖

班固曰王制爵人于朝與衆共之古者人君爵有德必于

大祖詩云云

白虎通

命程伯休父

楚語觀射父曰堯育重黎之後至于夏商世敘天地而別

其分主其在周程伯休父其後也當宣王時失其官守而

爲司馬氏

馬永辨曰伯休父者其字也

王應麟曰

麟曰森國

曰竹書庚文丁時周作程邑帝辛時周自程遷鄭宣王以休父爲司馬食采于程章氏以伯爲爵者謂程爲畿內之

也國

王符曰顓頊命南正重司天以屬神命火正黎司地以屬民堯繼重黎之後羲伯復治之故重黎氏世序天地別其



分主以歷三代而封于程其在周世爲宣王大司馬潘夫

姓篇 高誘淮南子註曰司馬劇賈其先程伯休

父宣王命以爲司馬因爲司馬氏劇賈其後也

章昭曰程國名伯爵休父名也以諸侯爲大司馬國語注

如震如怒

釋文而震而怒臧琳曰經本作而箋甚分明

闕如虢虎

風俗通闕如哮虎爾雅義疏虢說文一曰獅子詩蓋以獅子與虎壯其威猛也

鋪敦淮瀆仍執醜虜

韓詩曰敦敦淮墳敦大也敦迫也釋文按敦箋云當作

說文曰敦彼淮瀆瀆水厓也

李賢曰敷布也仍因也醜衆也言布兵淮水之涯因執得

東虜

後漢書馮緄傳引詩注

釋文

執醜虜

穆按爾雅仍乃也又因也字林初敷也今傳訓執字宜作初也

縣縣翼翼

韓詩曰民民翼翼民民觀也

釋文按韓家縣字皆作民此與歌艾詩同也

王猶允塞徐方既來

劉安曰言道正大而遠方懷之也

漢書淮南王本傳

嚴助曰言王道甚大而遠方懷之也

漢書本傳

顏師古曰猶道也塞滿也既盡也

漢書引詩注

漢書徐方既徠

林之奇曰吳楚偏強于東周衰微之日徐淮囂于西周鼎盛之時

荀子曰政令以定風俗以一所存者神所爲者化暴悍  
勇力之屬爲之化而愿旁辟曲私之屬爲之化而公矜  
糾收繆之屬爲之化而調夫是之謂大化至一詩云云

議兵  
篇

韓詩外傳曰禮義節奏齊乎朝法則度量正乎官忠信  
愛利平乎下上下一心三軍同力名聲足以薰炙之威  
強足以齊一之則拱揖指麾而強暴之國莫不趨使如  
赤子歸慈母也故詩曰王猷允塞徐方既來

徐方既同天子之功

詩義折中曰徐爲伯益之後而淪于夷一叛于三監流言  
之時一叛于伯禽就封之日穆王失馭遂爾倍號宣王中

典北逐獯狁西靖西戎南伐蠻荆由是通江漢  
以伐淮夷循淮浦以征徐方其經營非一日矣

荀子曰君子賢而能容罷智而能容愚博而能容淺粹  
而能容雜夫是之謂兼術詩云

徐方不回王曰還歸

庾粲曰古者三公坐而論道不以方任嬰之惟周室大壞  
宣王中興四夷交侵救急朝夕然後命召穆公征淮夷詩

云徐方不回王曰還歸宰相不得久在外也

晉書本傳  
張按孔疏曰

王肅述毛以爲王不親行王基述鄭以爲王自親行今  
如庾氏之議仍爲召公往征與江漢篇爲一時事矣

贈印七章

顏師古曰幽王以妲婦爲美也

漢書谷  
永傳注

彼宜有罪女覆說之

王符曰先王之制刑法也非好傷人肌膚斷人壽命者也乃以威姦懲惡除民害也天下本以民不能相治故爲立王者以統治之在于奉天威命共行賞罰故詩刺彼宜有

罪汝反脫之

後漢書本傳

哲夫成城哲婦傾城

晏子春秋翟王子羨爲重駕嬖人嬰子說之爲請厚祿公許之晏子曰賢良廢滅孤寡不振而嬖妾以祿御夫以蓄怨與民爲讎之道也詩曰哲夫成城哲婦傾城君不思成城之求而惟傾城之務國之亡日至矣

內諫篇

懿厥哲婦

漢書懿厥哲婦

谷永傳

婦有長舌維厲之階

大戴禮曰婦有七去多言去多言爲其離親也盧註詩云

婦爲長舌惟厲之階

本命篇

鞠人枝忒

說文曰鞠入伎忒伎與也

廣韻曰伎傷害也

引詩作伎

伊胡爲慝

韓詩曰伊胡爲媿媿悅也

文選神女賦注

瓊按韓訓義同媿媿言共爲不善豈不已極

胡尚辨悅之也

婦無公事休其蠶織

列女傳曰言婦人以織績爲公事者也休之非禮也

編敬  
善篇

白帖婦無功事

漢按此引詩當爲韓義周官  
典婦功有職卽蠶織之事也

舍爾介狄

說文舍爾介迭

按此與傳義合或傳  
本作迭箋改作狄也

人之云亡邦國殄瘁

左傳釋于口善爲國者賞不僭而刑不濫賞僭則懼及濫

人刑濫則懼及善人無善人則國從之詩云云無善人之

謂也

襄公二  
十六年

漢書邦國殄瘁

王念孫曰殄亦病也殄  
瘁猶勞瘁同爲病也

後漢書太傅陳蕃大將軍竇武爲閹人所害林宗哭之  
于野慟旣而歎曰人之云亡邦國殄瘁瞻烏爰止不知  
于誰之屋耳

郭泰傳

人之云亡心之憂矣

左傳宋樂祁曰魯君必出政在季氏三世矣魯君喪政四  
公矣無民而能逞其志者未之有也詩云云

昭公二十五年

簞沸檻泉

說文曰畢沸灑泉灑汜也一曰濡上及下也

胡文英曰爾雅灑泉正山

正山滿出也詩三家詩毛借作檻也

寧自今矣



列女傳寧自全矣

王氏曰今誤爲全  
母事言其子不能免於穀已猶得以歸

不及於禍故云自  
全殆本亦作全也

無忝皇祖式救爾後

列女傳毋忝爾祖式救爾訛

范氏  
母篇

召閔

七章

惠氏詩說風始周召造周者二公也風終  
周公靡終召公二公不作周不可爲也

瘠我饑饉 我居圉卒荒

韓詩外傳曰一穀不升謂之歉二穀不升謂之饑三穀不  
升謂之饑四穀不升謂之荒五穀不升謂之大殺

臯臯訛訛

爾雅釋訓阜阜刺素食也。訛訛莫供職也。

我位孔貶

衆經音義曰貶損也。減也。

引詩

如彼歲旱草不潰茂

韓詩外傳曰如歲之旱天淳然與雲沛然下雨則萬物無

不興起之者詩云如彼歲旱莫不潰茂

蓋云潰當作覆

如彼棲直

一切經音義如彼棲直

不云自類

列女傳不云自類

傳曰君子謂趙昭儀之凶嬖與褒姒同行成帝之惑亂與周幽王同風詩云池

詩經廣詁

大雅  
蕩之什

吳

之竭矣不云自濟泉之竭矣不云自中成帝之時舅氏擅外趙氏專內其自竭極蓋亦池泉之勢也此蓋魯義笑云外無賢臣內無賢妃本此爲訓也

昔先王受命

闕唯章正義曰六字者昔者先王受命之類也詩攷亦引正義作六字句

日辟國百里

韓詩章句曰辟除也

文選上  
林賦注

蕩之什十一篇九十二章

嬌葉  
元濂校  
勃蘇惇